

太

函

集

太函集卷之一百十二

新都汪道昆伯玉著

五言排律二十二首

贈朱寧州使君

地紀璿元服星躔應故都湖來滄海接霞起赤城孤
當代生人秀承家君子儒庖犧親授簡司馬許分符
肯作樊中雉空嚙轅下駒一麾甘出守千里待來蘇
朱戶容爭席黃巾敢荷戈築防周瓠子開閣聚門徒
虎尾終遭啗蛾眉豈應園人猶歌召杜吾已避唐虞
初服俄能遂良田幸未蕪川游春浩浩林臥夢遶遶

問字來逢掖吟詩倚湛盧十洲遲日月三徑足江湖
鳳采朝光切鵬搏秋色扶冷然行禦冠蔚矣著潛夫
白恰新華髮丹丘舊藥鑪庚桑穰畏壘方朔弄蓬壺
道在烏皮几機忘赤水珠願言懷稿壤相與咏康衢
經海陽贈王明府

舊服更明主新都得異材青城仙令下赤縣客星
來澤雉依人雒山花帶郭開四郊連夏屋萬戶坐春
臺杖屨披榛莽謳歌徧州萊豐年隨地足甘雨接天
迴耒耜銷鳴鏑弓旌引鑿坏賢聲無召杜賁從有鄒
枚問俗徵三異憂時賦七哀由來飛鳥地知是佩刀

才講德心輕折懷歸首重同一廬秋水上好寄少城
隈

卽事

島夷千仞埃漢將護樓船國難疇能定軍聲庶已傳
虛懷收上策長揖入中樞傾座才華迴分庭禮數全
塵披徐孺榻醴設穆生筵決筴群疑後紆籌百勝先
伏戎徒尚詐料敵必摧堅一鼓鯨鯢盡重關虎豹闐
編氓歸衽席甲士罷戈鋌功擬麒麟竝恩來驃騎偏
冠軍才間出遇主契無前馬革身難老蛾眉寵易遷
鑠金那自免投杼竟誰憐北闕存寬假南山絕忿悁

側身被短褐延頸受微纒對簿孤臣急藏弓萬事捐
游魂翔舊國哀輓赴新阡衆口仍憑怒天心詎好還
無人藏玉椀有詔沒圭田賓客歛長往妻孥正倒懸
祇須甘瓠落慎勿及株連宿草經霜露生芻阻澗渥
霑衣傷九地伏枕閱三年鐵馬功難掩金鷄罪未蠲
望空滄海日淚滿漸江天宰樹延陵劒猗蘭大澤篇
故鄉嗟逝矣空谷聽跼然骨豈留騷裏魂應化杜鵑
山河俱慘淡風雨忽潺湲想像扶桑外躊躇落木邊
壯心衝白髮俠氣薄黃泉伊昔論交態于今覺爾賢

居庸關

斥埃雲中近藩垣日下廻高墉千仞合絕壁五丁開
地紀通西極天衢接上台山河三輔會風雨七陵來
禹蹟皇輿肇堯封帝業恢金城矜保障銀漢倚昭回
一徑容傳箭重門類鑿坏秣陵蟠鉅麗劔閣立崔嵬
命將牙璋出防胡羽檄催雞鳴無暴客魚麗有雄材
已見干戈戢虛聞鼓角哀當關嚴虎豹欵塞盛龍媒
睥睨沙場盡櫓槍瀚海頽皇華猶鞅掌紫氣且徘徊
老驥心逾壯冥鴻翼未摧樓蘭仍自固薏苡竟相猜
望入荊軻市愁連郭隗臺驪黃難物色狐白易塵埃
尹喜書終著陶潛賦始裁王程周北陸生事任南陔

有客關門去群公保障哉

襖日東津汎舟謝劉督府公三十韻

久客依湯沐佳辰問水濱綢繆煩地主綺麗出天人
堤柳沿溪午汀花過雨春中流舟泛泛下瀨石粼粼
夾岸徐牽纜凌風穩著巾濁疑污屐齒清喜逼纓塵
振鷺歌聲起觀魚樂事因發船何刺促舉網故逡巡
棹尾爭程力揚鬢畢致身舍應避河伯道不假波臣
莫漫烹鮮急還須作鱠頻霜刀青玉案雪縷紫金鱗
入饌霑羣從行酬旅衆賓晴光翻白石暮色起青蘋
笛裏邊愁絕尊前水調新鏡喧將進酒角扣未逢辰

落日終難駐迴波歛自神明燈期與盡接席見情親
五夜寧須卜千秋詎敢論蘭亭觴具在曲水賦重陳
鼓吹仍蕪部盤飧復八珍登歌金作縷起舞錦爲茵
迭奏吳連楚同游虢與秦孤城防一咲纖月妒雙顰
執爵脩無算知音聽有真陶然忘我醉久矣對君醇
何日還初服于時理舊緡吾生甘鯁鯁公等任麒麟
塞上辭分竹江東憶采蓴秋風從此去高揖謝平津

壽陳丈人八十韵

白岳宮群帝黃山窟列仙地靈箕穎閔星紀斗牛躔
倬彼人文絢由來祖德玄三王藩迭致八世祚彌延

爪蹙深滋蔓松蘿吉屢遷儒宗標赤幟吾道倚朱絃
西鄙傳經老南州佐郡賢父兄俱挺出夫子更騰鶩
襁褓經城邑提携辨市廛言歸陳孺社甫及項佗年
玉樹春纔茁金莖露始涓家承貽燕緒世受獲麟編
博士堪批頰諸生敢比肩自矜千里駿久待九方甄
河內圖初出關中火未然百家囊盡括四壁磬長懸
和氏闇難叩愚公海易填遙通巴路窄薄采楚江荃
病已盲猶視刑餘腐獨全兩京容跋扈千古賴陶甄
盛壯潘安去窮奇阮籍偏亮非推轂後疑是結繩前
齊瑟工何益隋珠暗莫捐鷄鵠那饗魯騏驎不臨燕

已割滄洲地寧談碣石天無媒通狗監有客識龍淵
王勃名俱起江淹賦竝傳相將辟鼓篋次第謝旌旃
李賀脩辭詭汪倫學步專先登程獨力後進赴重趼
比耦交相角分門各自妍中侯須爾命樹羽竟誰牽
倡和同聲廢存亡異代憐斲輪甘老矣墮戶誓終焉
嫵節陶元亮英聲魯仲連居人占出處縣令奉周旋
憲老書惇史尊賓肆法筵詎能從縉節急爲解微纒
志在戈迴舍功收緇及泉文章神自合豪傑禮相先
倚杖衡門僻紆車負郭駢王孫辭左轄方叔釋中權
壯志慚王粲平生懃服虔論交勞倒屣得意契忘筌

擬託庚桑里同吟梁父篇通家齊世及接席儼姻婭
客御元方長賓興季子先太丘星復聚萬石澤仍縣
往者家多梗蕭然屋數椽一身枯若鮒八口望猶蠕
澤雉神逾王潛龍臥益堅華顛俄種種坦腹信便便
真隱耽巢許神游侶偃佺豆羹充并日斗閣勝凌煙
呂覽金爭購秦封石待鐫但知流水調不索賣碑錢
賭墅紆安石移居卜稚川層軒都爽塏列鼎御芳鮮
食舊惟攻苦從新肯慕羶故吾終脫落之子任聯翩
大耋顏應駐高秋鬢欲宣棘津登八十瀛海實三千
隱几烏皮上褰闥鶴髮邊白榆星在野朱草石爲田

秩秩簪時盍，幃幃戶日闐。雕梁歌死轉，彩服舞蹁跹。
痛飲空浮蟻，雄飛競站鷺。杯行賓辟易，饌出子擎拳。
北海尊重設，東山屐再穿。孤亭翻白苧，群峭擁青蓮。
舞下高雲鶴，歌連深樹蟬。未須窮窈窕，聊復弄潺湲。
水淨纓斯濯，風微纜不牽。接羅還自倒，紉佩更須擘。
聽曲游魚出，迎檣倦鳥還。舊諳耆舊傳，死在孝廉船。
矍鑠懼心極，優游樂事竣。祇應乘列禦，何啻挾彭篯。
襄野經行近，箕疇嚮用純。一躋方丈室，笑殺辟支禪。

得禹金書且過不佞因賦五言八韵寄謝

籍甚佳公子，翩翩國士風。一鳴驚洛下，三獻失河東。

富室商伊摯通家漢孔融出疆期秣馬折節問雕蟲
蓬戶玄猶白椎輪老未工聲名甘自廢意氣許誰同
鳥道千章樹鶉居半畝宮謾勞過寂寞或恐破鴻濛
海陽劉少府遷保昌令是爲莊襄公孫不佞備
在通家賦五言排律爲贈

澤國承流遠山城佐理優家聲工激楚世德王炎劉
少府才何屈中都望已酬政成三輔壯檄下百蠻柔
吏跡松陰午王程麥氣秋雙鳬騰茂宰千雉儼通侯
庾嶺褰帷度凌江帶郭流地應驚白雪天已近滄洲
鮫錦資新製牛刀信薄遊丹崖連鼓角赤縣領襟喉

戈以分田偃珠當樵海投官梅踈厝宇農稼足甌甓
瘡癘崇朝滌瘡痍比屋瘳祗須勞保障庶不忝弓裘
戲作俳體二十四韻寄諸同游

古寺蓮臺淨春溪柳市榮招尋依舊侶調笑入新聲
期自尚書定還同計相行沙堤工故步巖石柱陪京
杯蟻從相命隣雞忽已鳴逃秦乘間道詛楚劫齊盟
主手天人巧金身水月明皈依投五體想象悟三生
王祖神游夕吾宗餽禮成燭龍嚴警蹕竹馬勝逢迎
邊地衣廻雪層霄閣秘晴批鱗拚折檻遺卵弃干城
共羨吳粳美兼聞魯醴清身名輸太史口業報難兄

未辨秦青技空傳李白情細論猶倔強急罰尚紛爭
甲夜三挑戰丁年百舉觥栢梁終奏雅蘭澤孰當衡
高枕留司馬窮途返步兵山靈應悵望瘡鬼正縱橫
王母仙家釀中丞子舍羹衰顏思更酌食指誤同烹
豈謂驅難續從知疾易平重來更樂事相與閱嚴畊

送沈太史公還朝三十韵

直引黃金鞚旋歸白玉堂宮衣瞻出入家食卜行藏
疇昔承清問伊人獨擅場典書專虎觀載筆首鵷行
柱下身先退關前氣已颺上池耽藥餌高枕憶柴桑
晝日仍初服秋風及故鄉九還生羽翼七發起膏肓

東略探玄圃西遊躡大鄣赤松從寶婺白岳摘瑤光
豈謂顏堪駐從知力自彊身名雲笈上心事露莖傷
忽尔辭三徑蕭然飾一裝 皇居宣室召祖席敬亭
張峽坼中流揖川迴極浦檣石城迎睥睨陵寢問丞
嘗吳會驚濤壯隋堤引蔓長告圭河順軌倚杖水懸
梁帝業興炎漢仙才踞盛唐六龍湯沐輦千載綺疏
翔碣石無遺構蓬萊有尚方登臺求大宛授簡賦長
楊君側來方朔人間借子房論思群策屈喜起兩情
忘交戟親鵲蹲池老鳳皇由茲工補袞良以贊垂
裳麟閣應須待菟裘信未遑飛黃疑滅沒戴白任相

將里耳傾周雅鄉心到魯狂江關占夜色雲漢挾天章

送方嗣宗之南太學

征舸千山雨居廬五月裘避喧蓬作戶乘興桂爲舟
爲問丘中士言從洛下遊橋門邀稅屨陵寢覲垂旒
肱篋傾千古操觚厲九秋承家瞻濟美許國誓揚休
溽暑炎蒸候薰風汗漫游混茫歸汨沒清淺失夷猶
嚴瀨星河坼胥濤陸海浮金閭銜茂苑震澤沃延洲
蕭寺長千里秦淮明月樓雕弧嚴省括清廟戛鳴球
歎玉應先達堆金豈晚收萬言占獨對百轉慰相求

伊昔叨東面而今避上頭采藍無七入結綠有雙酌
避世耽吾臥匡時借尔籌祗須齊稷契端不負巢由
吳次公都玄圃年始及彊余過而樂之爲賦十

八韵

有美延州裔無如季子良商山甘偃蹇玄圃任翱翔
澤藪神逾王岡陵歲始彊駐顏緣守黑揮手謝乘黃
小築春流上卑栖夏屋傍千章齊合抱一徑儼分行
地拓青霄逼林疎白日藏東頭陶令社南面盖公堂
匡坐當蘭氣樓居納竹涼鹿游諳磴道虹起構河梁
拳石天狼隕蟠根尺蠖僵禽言渾自狎魚樂歛相忘

洞闕還丹訣筵開選樂方露華濃桂粟霞色靚芝房
五夜金莖露三秋玉杵霜滄洲來羽客池水得醫王
容易刀圭就相將羽翼長浮槎烏鵲渚結宇白雲鄉
自夏五月不雨迄秋而大雨行蓋陳令君齋宿
郊舍雩祭神祿再挾日而始應境內具曰令君
雨歌且儻之余因以詩爲謠得三十六韻

南國仍湯沐頻年若雨暘鎡基時有待章甫惠無疆
茂宰工爲邑賢聲雅擅場棠陰榮召伯花縣靚潘郎
百里深膏澤三旬阨亢陽蓬心徒泄泄蒿目獨皇皇
內省寧無咎先憂政未央即看騶從減已任駿奔忙

挾日增炎赫，顙天竟渺茫。臥龍鞭不起，涸魴斗相望。
流火防河斷，行戾判澤量。叩閤輕震懼，席藁重徬徨。
衆奮爭驅魃，孤窮忍暴炘。無辜思沫响，有罪請身當。
出舍依郊外，除壇近水傍。清齋虔五夜，露禱誓三光。
赤汗衣遑澣，頰頰蓋罷張。趺趺羣望走，翼翼萬靈將。
鱗激重淵客，牲沈百谷王。踉蹌投古廟，匍匐遍窮鄉。
雲漢元通洛，桑林卒應湯。帝心孚盼嚮，天意顯循良。
東望滄陽谷，西來暗大鄣。波濤翻陸海，霹靂殷匡牀。
石燕俄霑灑，商羊尚跳梁。九農懸自解，一國喜如狂。
穡事收穠黍，田功奏積倉。宿春彌菜色，朝食待粳香。

尺璧安求飽刀圭詎備荒直須供賦稅良用足烝嘗
佩犢應踰境鳴琴不下堂昇平酬主聖豈第荅時康
遠道驚騷裏卑枝枳鳳皇太丘承祖德少皞發農祥
奄忽踰三載相將沛四方仗誰陳便利河內借平章

招李太史來少仙入社

白榆初改夏黃鳥尚鳴春五兩風生席雙林月滿輪
州來南國美仙李上林珍帶礪忘天屬章相競日新
前茅分兩漢小草度三秦戎路驅無敵朋簪盡有神
玄都方駕入廣樂合宮陳赤縣工爲令青尊恥作賓
龍吟驚洞壑魚服混江津息趼千秋里傾心百代人

松筠牢絕俗，藜藿耐經旬。袂揜談天口，筇支避世身。
孤城懸北斗，同社託東鄰。象緯纏奎壁，英靈協甫申。
一顰當曲折，三笑失逡巡。綵筆俱詞伯，清齋自道民。
繁陰便野老，炎海困波臣。旅食偏攻苦，神遊足采真。
客居忘是適，老至病非貧。襍佩蠲腰帶，層軒岸角巾。
籃輦停夏木，桂棹待秋蓴。公等危冠冕，吾將稅綬紳。
知音誰倡和，把臂揔交親。何處求高士，桐廬有釣緡。

贈屠長卿五言四十韻

蓬戶棲垂老，蘭臺降列仙。執鞭欣自下，傾盖契無前。
赤水浮天外，玄珠象帝先。握符輕唾手，製錦美由拳。

一息任公釣時操單父絃方壺青未了尺璧白彌堅
芳樹潘懷縣靈椿葛稚川尚方飛舄在南嶽秘書傳
脫屣終須去含香倏已遷鵬搏程九萬鴻漸禮三千
力揭扶桑日談開碣石天新知都市集窮巷路車闐
一諾金千鎰孤吟斗百篇細侯深慕藺節俠摠歸燕
螽目爭相攝蛾眉祗自妍市言成畫虎輿論愜秋蟬
白馬寧無辨青蠅信有權風霜誰獨立玉石竟俱燃
漢署中興運潘輿大耋年坐難辭束濕歸及薦烹鮮
若木朝光切緱山夙願捐刑牲盟白社跨鶴出青田
夏后藏書閼軒皇引席尊千盤凌鳥道三尺撫龍淵

未暇搜巖穴還應問市廛里人諳倡和地主競周旋
負郭偏兄弟盈樽賸聖賢軒楹聊騁望裋褐正隨肩
傾耳驚人語捫心出世緣薄言壺作楫焉用筆如椽
海上攀三秀林中聚四禪訣留俄委蛻法悟遂忘筌
歲與玄枵盡春從彩勝延初衣耽杖屨壽酒憶梧捲
挂席嚴陵上維舟剡水邊星隨歸客散月擬隔年圓
汨沒空王謝招尋或偓佺千秋看紫氣萬事付華顛
虛室宜生白高齋任草玄物情疏長者吾道託終焉

奉贈開府顧公二十四韻

叢桂江淮秀魁梧社稷身家聲騰四姓國步仗孤臣

南斗元精炯中原間氣伸八公迴日御三策擅天人
縱目深游刃師心老斲輪垂衣寬黼黻借箸急經綸
閭越蕃黃犢牂牁殄赤鱗樓船群島赭京觀兩隅新
海上紛傳箭沙中競脫巾建牙閭伍定折首市朝陳
獻狀應題柱移封豈積薪盧龍邊地迴驃騎陣雲屯
倏忽軍聲振頻繁帝命申三韓縣重鎮重譯款通
津胼胝勞經畧瘡痍厯拊循屢窺乘漢磧一咲淨胡
塵破斧踰千級犁庭絕四隣凱歌傳露布殊錫下楓
宸月靜遼城夜天迴渤海春九關閑虎豹層閣擬麒
麟公望元圻父吾生自道民幾時聞曳履當代領紆

紳武庫櫜韃臥王風雅頌淳蓬萊初日上想像見東
巡

送丁明府入朝三十六韻

卓爾乘鳧宰居然列雉賢五年專薄海萬里再朝天
伊昔承弓冶于今擅槩鉛典墳傾左史詞賦進中涓
凌厲青雲上驅馳赤縣先豫章材得楚腰裏櫪空燕
指日盟心炯餐冰望腹堅春迴漸江水歲稔汶陽田
出入廷中允徵求境內蠲鴟張爭遠引蟬蛻獨高鶩
有喜謳歌起無冤簿責捐關門招側陋倚席問顛連
夜戶暗群吠秋場露百塵紛紛行部出袞袞薦書傳

比者田功削因之歲事愆金鐘難藉手溝壑就駢肩
急下鋪糜令潛消閑穀權發倉囷菜色掌計授華顛
飛輓輸平糴呻吟解倒懸豐碑當岳立荒政倚雲鐫
信史徵多瑞休符墨屢鮮頰鱗張翼起白雉引雛眠
羅刹三乘下於菟一杵邊升中玄時啓直北絳霄縣
冰雪王程急枌榆社事遷祗應趨虎觀誰復桺龍淵
闔邑歌勞只臨岐賦黯然悼亡新白恰即次舊青氍
卓魯聲名遠雷陳契合專比來甘自放此去更誰憐
散木莊生偶甘棠召父偏驪駒增意氣鳩鵲聽傳宣
群望留綦履孤征拂錦鞵海隅寧汨沒天路信周旋

極目生虛白冥心老太玄但傾陶令酒不贈繞朝鞭

皖寇平奉贈監司袁使君三十六韵

江漢盤南極荆舒控上游連營新使節九鼎舊神
州旬服恢無外場功逋有秋屢屢寬夜戶刀斗靜更
籌比者災頻降因之歲不周路隅僵菜色天末出旄
頭自負鷹無敵誰云鼠可投揭竿當驛路望屋踞林
陬窖粟容分啖庭柯競聚謀擁茅俱失路伏莽竟從
流斗印懸孤注纓冠岸二酋蛾眉更入侍蠶尾敢爲
仇清切傳中使重申關內侯提封周世守寢廟漢
宵遊永保金湯固俄驚陸海浮拊心空聚落駢首就

虔劉六郡良家子千金國士儔中權須借箸南顧厓
垂旒拜詔明光殿分麾元亮樓一呼徵驃騎五道出
貔貅超石軍儲溢登壇廟算優林置防脫兎薪俎
待函牛雲鳥重圍合風鳶一戰收肩隨歸蒞醢面縛
褫兜鍪村社仍農鼓川游更釣舟凱旋歌杖杜禰祭
峙來牟捷報歸金勝宸居釋隱憂梟旗從狴犴解
網信蟬蛸鼓吹喧朱鷺壺漿逆紫駟普天撐柱石沃
土足甌窶師律原無戰虞羅更不蒐直須銘夏鼎底
事問吳鉤京觀遙連楚干城小服鄒君材堪竹帛吾
計得菟裘舉爵分三醕投醪借一杯懸知歡飲至諸

將密行酬

送死陵呂相君應召入朝二十四韵

聖主恢天網群工拓帝紘垂衣思黼黻側席下弓旌
簡在周喉舌旁求漢股肱官曹三輔重法象九霄明
生意迴編戶神姦避貫城壺氷開玉井輪月擢金莖
行部先登最隣封競質成雙瞻天闕逼一軟死溪清
何處開眉宇丁年執耳盟祇應矜國色未敢問家聲
禹穴探書盡齊風入座橫七襄鷄尾麗五色鳳毛輕
公暇褰闥覽朋來倒屣迎披襟衡夏屋散帙燼秋檠
清廟驚三和朱陵讓一鳴敬亭齊碑兀采石傍崢嶸

經術推高第詞華引後生與情爭奉轂國是待持衡
相國神猶王天衢步愈亨佩刀新氣象賜履舊聲名
綠鬢仙班引丹心帝座傾中朝輸骨鯁北極建枝
撐白社甘牢落青萍悵合并亟須彌主闕切莫緩
王程

送彭明府就徵五言排律四十韵

天府恢南服雲門拓上游孤城羣峭擁合浦五谿流
帝命乘鳧下君材列雉優鄉評推月旦世業擅春秋
操右鴻荒契虛中象罔求康莊耽獨往窈窕信冥搜
蠖足終難詘牛刀遂已投卑棲聊枳棘高視藐岵嶠

氣鼓虹霓歛肝衡魍魎愁有天容彊項無地避搶頭
歷歷詢民隱孳孳爲國謀征科歸畫一耕鑿任夷猶
比歲哀多殍誰能活一抔薰心良獨苦菜色未全瘳
金庾勞三發丘乘歷四周擔簦衡潯暑杖箠遍遐陬
癘鬼俄爲疫僵尸積自蹂招魂煩藥餌掩骼傷林丘
撫字經千慮恫瘝尚百憂伊人免溝壑此日足甌篝
旱魃方提轄饑鷹欲掣鈎潢池俱汨沒桑土早綢繆
狴犴春臺煖蠨蛸夜戶幽鉉基均力作絃誦及時脩
大射齊分耦高材得中侯祗應培植樸聊以辯薰蕕
戶籍輪更造編民借暫留察應窮蟻蠹視豈任鴈鷗

惇獨蠲秦法兼并息楚咻土庸規秩秩州史恣悠悠
赤縣程書上青霄召命酬掖梧明月待臺栢蕭霜迢
骨鯁須人傑心肝奉 帝猷神羊寧蹢躅威鳳豈啁
啾垂老衰如繭殘生拙似鳩閉門甘偃蹇擊壤效歌
謳霧樹千門隔星槎八月浮白頭依故宇紫氣王神
州入對明光殿迴看玄扈樓何時乘旅鴈飛札到群
鷗

許相公得謝還新都即事呈六十韻

舊甸開南紀新都降上賢五城霞色古雙闕日華鮮
大岳皇風沕高陽帝澤延朝暉箕頰里夜氣斗牛躔

品列章相上神馳滅沒邊建茅前甲士擢桂及丁年
射策公車入颺言御席前論思嫺太史供奉引中涓
載筆螭頭注鳴璫豹尾旋兩都操矩矱萬國賴陶甄
出入儀刑肅編摩紀法虔清朝公望合黃閣主恩
偏喜起逢交泰恫瘝解倒懸薰心原有殍蒿日突無
烟興發多方賑徵科屢歲蠲耰鋤迴露積衽席得安
眠頃者邊籌左誰云廟算先降王剗曲面驕虜浸垂
涎漢塞軍聲動秦川戰血湔九重寬拊髀四裔競擎
拳夾輔皇輿輦周旋赤舄聯鸞刀矜一割露掌仰雙
拳密勿心逾小都俞聽獨專萬幾勞日贊片語代天

宣吐握沙堤擁徵求部屋竣羣空千里駿價定九方
歎更歷中書考那干上相權元良推濟美亮直效繩
愆主器群情倚昌期 帝命遷攬身思羽翼逆耳破
迤邐 詔自端闈出章從禁掖傳雌黃翻叵測純白
握彌堅骨鯁容孤立輪囷荷曲全是非同覆水先後
各歸田湯網開三面虞琴間五絃鳳翔高出世鵬運
縱垂天魏闕丹心在燕關紫氣騫祗應休騾駟寧復
顧鷹鷂六傳王程借扁舟客興牽行邊麾候吏望裏
儼飛仙曉發吳閶道時停刻曲船檣烏棲合滯廐馬
脫連錢負弩辭鄉縣褰帷下市廛堵觀沿素領郊迎

惜華顛耆舊交情洽嘉平樂事闌初衣拖玉改高會
賜金捐臘味中山酒春盤上客筵身輕拋几杖興豁
任柝捲偃蹇閒居賦沈冥獨漉篇醉鄉甘老矣空谷
振楚然有喜邀浮白無勞問草玄墻東居處切郭外
往來便竹葉寒仍綠梅花老更妍飲永瓢自挹踏雪
履從穿已悟蟬遺蛻疇甘蟻慕羶評難齊月旦盟已
結林泉隆準通黃綺駢肩侶倭佗公當玄扈坐我作
辟支禪衆口誰能免民膏日已涸羣公仍几几吾黨
任翩翩

輓戚長公三十二韻

景胃誰當戶佳兵尔擅場地靈鍾海岱天意鞏金湯
飛將稽封爵游仙卜降祥奮身由將種結髮事戎行
組練孤城出招搖列宿張干將殲海若繁弱射天狼
林立千人敵波平百谷王軍聲傳羽檄帝命出牙
璋戍士頻更代匈奴尚陸梁疇能芟伏莽急爲睚扶
桑銅虎分中壘金貂賜尚方塞垣須保障部曲賴張
皇虜帳焚蠻觸胡關欵驕驕紇干占太白肅慎飲中
黃廟略應無戰邊籌詎有妨雄飛舒燕領逸駕砥羊
腸衆口俄相鑠君恩正未央提封移嶺表持節下
漁陽幕府蒼梧外樓船赤水傍鵬搏風肅肅鯨戮海

泱泱薏苡蒙祆祿申椒揜國香倦游支枕臥真隱抱
弓藏驃騎無新第蓬萊有故鄉殊勲辭帶礪高步信
康莊一擲終垂橐三緘早括囊虎皮包劒盾馬鬣築
堂坊雲氣疑常在星精悼湓亡營丘存月旦勲府待
旂常晚日懸青塚秋風起白楊齊謳愁欲絕楚些肅
相將反側干戕斧譟張雜鼓箏韃橐那歷試帷蓋肯
終忘

七言律詩三十九首

寄贈江四使君補南駕部

滄海傳烽照舊京繞朝贈策出承明白頭更入馮郎

署青瑣應題漢柱名陵上五雲瞻氣色懷中尺檄荅
昇平紆籌不負論兵地執戟空慚吏隱情

聞吳侍御赴廣陵監兵被圍未解

使君寶劒七星明截海揚帆斷巨鯨開幕定傳書記
檄飛符先召伏波兵大堤烟火連隋苑高壘風雲擁
漢旌六月王師愁汗馬孤城桴鼓仗安平

贈方司農監浙江漕蕪呈胡司馬

防秋西北軍儲急鳴甲東南戰血殷百粵宣威來漢
使三吳轉餉入燕關王程遠涉干戈地國計新辭供
奉班司馬已聞蕪節制皇華應得破愁顏

有感

南粵無人問尉佗炎風何事海揚波樓船遣將頻推
轂羽檄徵兵久枕戈落日秋原聞戰哭月明子夜斷
漁歌可憐雜虜喧鼙鼓猶說江城富綺羅

金山寺

峩嵒孤嶼出中流百億諸天在上頭納納乾坤開定
水滔滔江漢圻神州化壇下見潛蛟窟佛日高懸結
蜃樓日暮菩提聽說法風生洲渚浪花浮

伏日登浮圖

文園消渴逃三伏法界登臨覽四禪望望扶桑東盡

海陰陰祗樹上叅天江淮風壤黃塵裡京洛雲山赤
日邊回首西方問龍象袒衣合掌禮金仙

夏日登南山紫極宮

中天積翠玄都境鄴郡風流大雅詞衆壑雲深炎海
接層樓南過曉山移行厨新火開丹竈別院清齋茹
紫芝壇靜步聞拜星斗夜闌秉燭更論詩

吳山人載酒同登鳳山臺

靈鷲慈雲入望迴青牛真氣度關來觀身疑出人間
世抱病徒逢江上杯大地山河歸淨域炎天冰雪起
平臺試開涓滴從深酌莫向虛空問劫灰

江徵君同宿古巖寺

初地招尋見客心
晴雲滿戶洞陰陰
空堂聽法天花落
高閣鳴鐘佛日沈
入夜論文開玉笈
平明列籍俯珠林
勿云悟後看詩妄
試誦隆中梁父吟

雪夜齋中讀楞嚴經

明燭高齋雪正深
經聲徧作海潮音
三乘已悟無生理
萬法應歸不住心
解脫何須翻貝葉
皈依還似叩珠林
虛堂夜久聞清楚
冉冉天花落砌陰

元日寄戚都護元敬

橫海連營次第開
漢家獨有冠軍才
天連細柳春風

起日上扶桑曉色來報國雙懸三尺劒思君遙送
萬年杯饒歌應作清平樂子夜新聲入落梅

人日

干戈未罷三城戍杖屨常思五嶽遊人日天涯頻悵
望客星海上獨淹留早春風物寒仍壯故國雲山晚
更稠莫信羈心生白髮肯容吏跡避滄洲

元夕

雷聲日日春城上物候年年滄海間靈鷲散花來五
夜巨鼇吹雨過三山風塵傲吏仍蕪隱關塞征夫尚
未還明月不須今夕好他鄉常照髭毛斑

叔曉寓書亟稱庭闈樂事感而有賦情見乎辭
放達無如鄭子真早辭王事獨寧親春寒載酒開三
徑日暮徵歌動四鄰社稷祇憑黃閣老庭闈長憶白
頭人遙知松菊能相待願向雲霄乞此身

得戚都護書志喜

天畔題書見客情風前疊鼓振軍聲鶯啼灌木春求
友雨過清漳夜洗兵詞客舊耽招隱賦材官新築受
降城膚功但使歸元老肺病何妨卧長卿

寒食示弟

連天雨色暗青春此日晴光到白蘋處處飛花寒食

路年年芳州倦游人故山轉覺松楸遠異域唯應棣
萼親欲盡芳尊逢禁火莫令極目共傷神

上巳

轅門柳色雨餘肥水國人家煖尚微久客不逢脩禊
事少年猶憶典朝衣天迴草樹啼鶯合春到江湖旅
燕歸見說東菑農事起正逢南海捷書飛

端午日即事

幾年防戰瘴江東此日追驩楚俗同露布已飛長信
道賜衣敢望大明宮部中枌杜聊行酒檻外扶桑欲
挂弓正喜群公扶國是無勞孤憤弔途窮

雨中見蘭作花移置齋內

雨後花神半陸沉
朝來詞客獨招尋
高齋不負論交地
中谷應同避世心
吏跡十年無盡省
物情千古有鳴琴
自憐遲暮猶春事
見說繁華已夕陰

喜人饋蘭花戲作艷句

羈旅三秋甘閬寂
寒脩千里結殷勤
新粧徙倚巫山雨
微步經行夢澤雲
嫋嫋褰裳辭帝子
盈盈解佩贈夫君
幽期勿負吾偕老
殊色何妨爾出群

大將軍登福清城西樓感舊有作同賦二首

橫戈雜虜擬天驕
推轂何人翊聖朝
戰角三秋連

睥睨軍麾千里望招搖長驅趙壁心猶壯痛哭秦庭
氣未銷雄略漸看休鐵馬殊恩不負珥金貂

其二

長路鏖歌擁使旌孤城烽火照行營山河表裏天王
地社稷安危國士盟伐鼓秋原開瘴癘鳴弓炎海墮
欃槍翻思鉅鹿當時事肯慕麒麟蓋世名

六月六日署中感懷時余受事暮月矣

久客其如暑雨何端居又見歲華過雕戈海上新開
府銅柱天南舊伏波物色祗餘雙眼在吏情轉覺二
毛多扶桑影外頻看劍栝栢陰中且放歌

余將南巡二仲以草具爲餞時顧文學王孝廉
見客相與盡驩詰朝戒塗感而有作

部曲乘秋出塞垣賓朋盡夜擁盤飧羈心同向歌鐘
盡俠氣頻看佩劍存東閣明星高畫角中庭涼月下
清尊立朝端笏非吾事列籍披襟是主恩

遊清源洞

清源洞口叢花發紫澤峰頭片雨迴風壤三秋開慘
淡雲山千里擁崔嵬高天落日行杯盡大地層陰倚
杖來乘興不妨窮勝事探竒更擬過荒臺

其二

勞役誰能作勝遊登臨吾得及
清秋西來迢遞盤千仞
南去微茫見十洲
澗道松陰留客住
江干草色喚人愁
頻年尚未銷氛祲
入夜還應望斗牛

靈山過尤使君時林大夫携酒同往

爾從彭澤上書還
獨向祇園借榻安
留客聊供法喜食
逢人不著惠文冠
夜侵高枕潮聲急
秋入初衣海氣寒
見說刀環仍未賜
莫投車轄且加餐

其二

白社無如隱吏豪
青山况復得吾曹
自携家醞來精舍
更喜盤飧出遠庖
枯柏殷殷盤石磴
芙蕖冉冉媚

江臯已拚此日持螯飲聊慰他時汗馬勞

中秋憶弟

幾年不共鄉關月今夕仍分海國秋書劒一身俱浪跡庭闈千里總開愁淒涼中夜桓伊笛悵望西風王粲樓出塞正逢鴻鴈候題書好寄鷓鴣裘

八月十五日次漳州邀大將軍夜集開元寺

嚴城吹角入邊聲古寺邀賓坐月明海藏三秋開法界關山五夜照行營散花座上天香滿說劒尊前斗氣橫但得玉門歸有日便依金埒學無生

其二

初地招尋舊酒徒。當筵叱咤盡臬盧。鯨鯢出沒潮聲接。龍象經行海色扶。靜夜清笳吹塞草。高天白露下庭梧。肯容兜率旄頭見。願乞將軍金僕姑。

九日登城北山亭作

望望關河塞鴈迴。蕭蕭風雨草亭開。堦前雙樹招提出。坐上千山睥睨來。鎮靜久虛安石望。登臨誰是仲宣才。懸知京觀封魚海。不數徐方戲馬臺。

送周中丞致仕還四明

執法中宵出太微。題書絕塞送將歸。豫章風勁蟬高倡。彭蠡天空鴈倦飛。去國十年垂舊案。還家九月授

初衣君才嬰鑠堪從事世路縱橫已息機

其二

君王不問篋中書賀監仍分湖上居秋水芙蓉邀進
艇春風薜荔待懸車升沉往事青門外貴賤交情白
髮餘明到高陽招舊侶相從深酌啖枯魚

九日寄大將軍時有海上之役

未擬登高賦大夫還從定遠事陰符軍聲刁斗連三
島客夢扁舟落五湖乘勝定應歌杖杜倦游聊自把
茱萸遙知海岱清秋接莫道風烟故國殊

聞江山人民瑩游匡廬因訊其弟民璞

何物匡廬誇地主即看書札待潛夫提封吳楚江流
坼載筆機雲岳色扶樹杪銀河浮澹蕩林中清楚落
虛無沙門幾日題名徧挂席西風下五湖

長至

炎方未測堅冰候陽氣先迴大地間已見雲光偷碧
海漸看柳色著青山三冬舊業空投筆百粵新烽未
閉關羈旅幾年餘短褐 君王何日賜刀環

生日

每從道路逢初度况復江湖逼早春柏葉深杯聊自
醉梅花獨樹故相親懸弧天地論兵日策杖風塵報

主身漢帝只今多猛士馬卿猶作未歸人

除夕

客裏椒盤春可憐軍前刁斗歲將遷壯心盡折鯨鯢
觀衰鬢空催犬馬年五夜褰帷生海日千家列炬動
江天明朝準擬華封祝坐待鷄人曉箭傳

太函集卷之一百十二

元稹集卷之一百十三

新都汪道長伯玉著

七言律詩一百五首

元日建安朝賀

宮車深駐絕清塵
僊仗徐開儼紫宸
南紀山河懸使節
中興日月繫王春
千官委佩天顏近
萬戶踈鍾物色新
遙憶朝元多勝事
未央獻賦盛詞臣

雪後嵩高樓眺望

今年飛雪到炎州
久客驚寒攬敝裘
望眼風前頻倚杖
羈心天畔獨登樓
晴雲半落諸峰出
氛祲全銷大

海浮稍喜山陰成小築可能乘興泛扁舟

送顧山人遊武夷

尔從滄海杖青藜又向丹丘問紫芝雲散仙翁邀客處雨來玉女洗粧時振衣空谷遙聞籟倚棹中流坐詠詩明到幔亭成獨往好將瑤艸寄相思

余約顧山人同遊武夷會省署災余取道建溪不果往再寄一首

雲山有約共綈袍焚惑無端逼韃囊生事信余非陸賈化身疑尔是盧敖輕車不分新油襪多壘猶存舊佩刀尊酒建溪良不薄好憑驛使爲君操

行部昭陽懷曾太僕

杖鉞南遊復歲華，褰帷西望卽煙霞。
三年藥物徒憂國，五畝桑麻不問家。
招隱定知畱桂樹，尋真或恐失桃花。
不知內熱關何事，願乞青門子母瓜。

從吳太守明卿論詩

擊筑交驩恨未能，分麾決勝避先登。
十年意氣無燕市，千載聲名有杜陵。
自分巢居依燕雀，每從海運望鵬鵬。
慚余亦似文園渴，對尔疑餐玉井冰。

顧山人自武夷至

望望江臯獨鶴迴，熒熒雲石五城開。
山中近覺紅顏

駐開外遙分紫氣來羣帝招邀仍客禮萬靈扶掖自
仙才懸知酒味非疇昔爲釀桃花三百杯

訪方君敬西塔寺賦得山字

聞道招提獨往還好乘休暇共躋攀人烟明滅諸天
外佛日陰晴大地間陶令不妨耽白社支公應許乞
青山但依祇樹收春色莫問仙桃醉客顏

飲何監察池亭近西塔寺時方君敬顧季狂在

坐

負郭衡門事事宜比鄰精舍更多奇幽花低亞三生
石定水遙分百子池忽爾鶯歌能自至悠然魚樂竟

誰知舊游却咲高陽侶落日何須倒接離

月下更酌

天臨夏屋晴雲出地控春臺宿霧收北海清尊俱偃
蹇中庭明月且淹留影寒烏鵲驚枝起光擁驪龍照
乘遊莫向關山歌古調他鄉容易喚人愁

舟次白沙

逢逢疊鼓下樓船皚皚晴沙入暮天江路潮聲高枕
上海門山色落帆前十年髀肉堪流涕萬戶瘡痍未
息肩舉目并州應咫尺咸陽西去阻風烟

寄仲嘉

漸江東入剡溪流客子依依繫小舟
高調爾應驕白雪索居吾已問滄洲
朔雲長路時聞鴈落日空山獨倚樓
况是蕭條當歲暮莫教容易散貂裘

對雪

常年飛雪阻炎方此日迴風到艸堂
曳履尚餘筋力健開軒轉見鬢毛蒼
花神五夜回空谷山色千秋失大鄣
故里已收滄海淚清尊莫負鬱金香

用晦王孫工詩善余德甫德甫以王孫詩見寄
且亟稱其爲人余從結王孫驩卻寄一首

當代王孫鄴下才比隣陶令早歸來
春華把臂乘三

遲時事關心賦七哀風雨高齋常閉戶江湖落日幾
登臺淮南準擬扁舟去坐上應逢桂樹開

哭蘇君楫

舊來好事蘇君楫死去脩文白玉樓俠客五陵傾意
氣詞人一代傍風流魂銷燕市壚頭月淚入山陽笛
裏秋身後遺書應自在他時漢使倘相求

二仲下第歸

紛紛鼓瑟入齊宮爾輩朱絃總未工掉臂祇應歸谷
口拙毫更擬賦河東高秋風物黃花裏舊國雲山白
鴈中莫向敝貂長太息只今誰識被裘翁

曲水園吳汝承携酒至同諸君子

僊郎別業在江干四坐風流聚鵬冠豈謂招尋煩客
禮且從箕踞盡君歡尊前白日褰闥靜雪後青山入
座寒倒載不妨歸路晚高陽今作酒人看

送隆公從大將軍北上

二月江南春可憐依依細柳片帆前路分楊子人煙
迥天入長安佛日懸行處鶯花開世界到時風雨護
樓船尚方賸有青精飯莫問招提澤畔田

登茅山

東來乘興問丹丘紫氣平臨十二樓帝里烟霞標地

肺仙家鷄犬住山頭月明五夜金莖出雲駐千秋玉
笈畱轉入青溪人境絕桃花流水洞門幽

二月十五夜元符宮望月

蓬萊宮闕夜如何客子寒闌動嘯歌花滿五城春事
半天臨三殿月明多華陽洞口丹梯接太乙壇前絳
節過欲向茅君問真訣乘槎倘許到銀河

送詹東圖下第歸新安

長鋏歸來獨扣舷五陵衣馬正翩翩郢中歌客誰高
調洛下書生自少年滿路鄉心迷碧艸迎船山色出
青蓮漢家指日開東觀早晚勞君賦籍田

雨中同袁履善泛湖

暑雨邀賓積水湄風流不數習家池沙邊進艇青山
近堤上行杯白日移萬里江湖成偃蹇百年天地任
支離對君俱是忘機者棹外羣鷗更不疑

西湖懷古五首

孤忠不擬引身遙萬死安能折主驕雨送鴟夷滄海
淚天迴甲馬浙江潮逢于自分同溝壑吳越爭知異
市朝客子停車秋色裏祠前松栢未蕭條

其二

靈鷲岩堯掛瀑泉何人削迹此棲禪中原聲動孤軍

入大內魂銷尺檄傳壯志仗誰揮落日殘生客汝傍
諸天化身疑在光明藏秋水娟娟片月懸

其三

將軍乘勝氣吞胡百萬提戈待一呼忽爾園林沉王
氣翻然刀筆奪雄圖傷心左袵秋風急回首中原落
日孤取是故都仍俎豆居人涕淚滿江湖

其四

司馬先朝社稷臣西風松檟大江濱
帝紀千秋繫紫宸帶礪有時還日月
鐫鏤無地避風塵采蘋誰是當門子
原艸蕭蕭空復春

其五

林塘幽處駐烟霞云是當年處士家
天畔孤雲迴野鶴隴頭千樹放梅花
客星隱隱高牛斗世路悠悠秣鹿車
北里南隣非宿昔一杯聊得耐春華

湖上送江司理赴登州有懷戚都護

仙郎曳綬赴蓬萊江上孤帆破浪開
鴻鴈千風經海岱魚龍夜水見樓臺
孤城遙對秦皇峙三尺須憑漢吏才
却憶玉關畱定遠將軍樹下幾徘徊

湖南州堂七夕畱客

梧桐秋色下江村客有羊求過薤門
但得物情畧野

老肯將人事乞天孫雙星想像明河水五夜淹留濁
酒尊莫作燕歌悲遠別空令游子坐銷魂

余挾二仲西游白岳諏九月望謁太素宮先二
日齋宿海陽雨霏霏至矣余停車市上過汪元
龜繡佛齋元龜焚香烹茗不啻精舍會陳丈達
甫其子伯宿先後至元龜出齋供主客亦皆菜
羹主人請客行觴余與二仲則否客亦罷酒迺
相與論詩余謂丈人市中作方外遊宜有述於
是元龜授簡余詩先成次者伯宿次丈人次余
仲氏共得詩五首元龜命副墨志之

衝泥遙集少城隈
蘇晉風流小閣開
首宿青青供石鼎
旃檀細細出香臺
觀身疑住黃金界
把臂驚看白社才
片雨不知何事急
諸天或恐散花來

其二

雲物陰陰入暮秋
停車近市一登樓
千山積翠開蓮宇
萬里歸人倚蒯緱
負郭松蘿催暝色
彌天風雨破窮愁
明朝白帝開閭闔
擬趁新晴到上頭

宿繡佛齋

孤城風雨獨相求
謁帝西來阻勝遊
閣夜經聲翻白馬
關門真氣駐青牛
傳燈想像依雙樹
高枕逍遙到

十洲神女陽臺何自苦蕭條矣三見生愁

出城西望岳

溪上晴光帶郭西勝遊何事久羈棲雲山漢時羣靈
出風雨襲城七聖迷秋色還應供倚杖壯心寧復畏
衝泥采芝尚憶當年路一望仙源艸樹齊

登齊雲山有感

官闕岩堯太乙祠孤臣洒淚憶當時空勞禪艸畱司
馬無復軒車問具茨傾蓋浮雲還片片沾衣細雨故
絲絲迴風何處鈞天樂極目蓬萊有所思

夜集大龍宮

招提定後動疎鍾昏黑橋西見雪峯遂有天風來洞壑忽看雲雨到蛟龍千山舞石當空去雙樹聽經入夜逢洞口冥冥吟嘯起何人吹笛倚長松

贈陳長君伯宿

生年五十似君稀回首寧論往事非屏跡夷門聊玩世承家愚谷本忘機滄洲風物成真隱河漢星精傍少微爲問日邊冠佩客何如花下老萊衣

海陽送查大之淮陽

平原十日故人情搖落那堪遊子行千里關河依桂樹孤舟風雨過蕪城鳴鞭不盡青天色彈鋏時聞白

雪聲市上只今多劍客少年早已避韓生

歸舍後同諸弟登高

張翰偏舟海上過故園松桂近如何天連絕塞聞鴻鴈
秋入初衣授薜蘿西極浮雲飛去盡中林落木坐
來多還家正及黃花酒當席聊爲白苧歌

其二

屋後青山少室隈山頭隨意坐蒼苔茱萸不負登高
會花萼爭看作賦才搖落年華叢菊在憑陵秋色岳
蓮開雲門遙見仙人掌願乞相如露一杯

其三

屏居喜就南山下萬里風烟直北看玉樹連枝還故
國金莖何處是長安林深一任頻移席風急唯應早
掛冠天畔忽聞孤嘯起翛然衆壑欲生寒

其四

白眼中原望不窮尊鱸秋興屬江東清溪流水兼葭
外落日孤村橘柚中楚客風流千載見謝家詩賦幾
人同醉歸應待松間月弟勸兄酬酒未空

除夕雨坐卽事

窮簷短褐自徘徊白髮青燈一酒杯京洛音書天上
至江關春色雨中來百年甘就菟裘老萬乘寧須櫟

社林莫笑生涯如客里尚餘詩興到官榜

元日

養食流年信此身椒盤勝事避時人
新晴遙見雲霞曙高卧俄驚天地春
莫遣林鶯迎過客卽看溪水到垂綸
田家共說豐年瑞飽飯深畊未厭貧

山居喜諸弟至閣夜風雨有作

千尺霞城百尺樓逶迤澗水抱村流
蛟龍入夜吟孤壑風雨連天到十洲
老去漁樵甘獨往春來兄弟故相求
明朝戶外青蓮出肯對殘花嘆白頭

屯溪放舟過孫從周別業

十里檣烏萬竹林扁舟乘興入山陰經秋夾岸芙蓉
老落日孤村薜荔深傾蓋誰堪忘去住投簪吾已任
浮沉狂來却笑南陽臥莫謾當杯梁甫吟

曲水園同諸君子看月

步櫬倚杖俯清流明月依依百尺樓大地山河疑白
雪高天雲物似清秋年華荏苒留三逕夜色憑陵到
十洲回首濠梁憐異代逍遙結袂此同遊

溪上別江四方伯

歸休準擬得吾曹王事其如爾獨勞自是尚方須汲
黯肯容中散絕山濤百年吏隱新持節萬里君恩舊

佩刀赤日黃塵回首地故人箕踞在江臯

江村分賦得虛字

柳市南頭十畝餘百花潭上野人居
黑頭抱甕甘爲圃白日褰闥自著書
泛渚鳬鷺春水至隔江燈火夜
牕虛滄洲多少殘生事肯向風塵載後車

六月一日溪漲

五月霞城鬱不開曉看馳道萬靈迴
九臯雲氣蛟龍出百道泉聲甲馬來
只尺直須窺水府蕭條猶自賦陽臺
江湖處處風波惡好在羣鷗莫漫猜

六月十六日夜同虎臣及諸弟餞中看月

雲山萬木散新晴夜色蒼蒼按五城久客興緣諸弟
盡中天月傍故人明披襟滿坐風霜入坦腹層軒枕
簾清只尺好攀仙鶴去雲門高處聽吹笙

艸閣望西山見雪虎臣同賦

江南冬暖日昏昏忽漫青山過雨痕檻外風光開艸
閣峰頭雪色照松門感時莫作陽春曲玩世惟應濁
酒尊但得西疇饒歲事不妨東郭老孤村

至日嘉則虎臣見過得虛字

冬至江關歲欲除朝來雲物望仍舒孤村白屋殘生
事雙轂青門長者車對酒山河堪故里論文天地有

五廬遙聞漢主誇胡獵誰似相如賦子虛

嘉則入山哭胡司馬

大鄣風雨夜潛潛爾向孤墳灑淚還汗馬功高無白
日赭衣事去有青山朝廷肯信流言誤弓劍猶存戰
血殷回首當年畱客處三千珠履在人間

其二

扁舟千里薦江離書記翩翩爾獨奇艸色經年封馬
鬣潮聲入夜哭鷗夷南人尚識天威在上客寧忘國
士知吹笛山陽君莫聽秋風落木不勝悲

華甫入硤中因過黃山登白岳東望華頂而去

余方在告力疾作詩贈之

有客招尋桂樹叢春風倚杖氣如虹
僊家鸞雀雲門下帝時煙霞石戶通
老去一丘躄病久狂來五岳任途窮
赤城片片青天色挂席何時到海東

望九華

九華秋色媚江濱片片芙蓉照水新
望裏蔚藍疑見佛行邊空翠欲霑人
汗衣赤日耽長路立馬青山負近隣
百里未能窮窈窕千年誰與鬪嶙峋

次池州卽席贈馮太守太守舊佐吾郡

好在故侯仍地主相逢隣郡豈天涯
一尊明月開秋

浦萬里浮雲出九華坐久不妨煩看劍酒闌何處更
聞笳山公未厭高陽侶江上仍留漢使槎

遊齊山

時馮使君帳具

崔嵬積石控江湖冉冉雲生擁舊都結廬祇應通絕
島斷鰲或恐失方壺迴風坐上秋先入落日尊前興
不孤自是使君兼吏隱山靈未擬避潛夫

望彭蠡

十年復作南荆客五兩初從左蠡過鴻鴈江關秋不
斷魚龍澤國夜如何水分孤嶼長天盡風亂千帆落
照多豈是鴟夷行樂地扁舟處處竹枝歌

望匡廬

名山夙昔戀滄洲何物峩峩據上遊風雨時時來五
老烟霞面面接孤舟高雲半出青蓮界大澤中分白
鹿秋敢負平生多逸興翻從咫尺負奇遊

湖口遇吳二夜泊湓城

湖風破浪片帆開舉目山河亦壯哉忽漫故人千里
至相將明月九江來蹉跎未就陶潛隱搖落空憐宋
玉才回首白雲鄉國異天高何處獨登臺

夏口別吳虎臣

布衣十日故人情長鋏翩翩俠少行但使陽春高楚

調不妨江夏忌時名到來雲夢三秋色何處天風一
鴈聲它日采蘭湘水曲殷勤結佩贈卿卿

江行風甚有懷舊游

逶迤百丈引樓船日日長風蔽楚天豈謂千秋當宋
玉翻從八月滯張騫荷衣已覺披襟薄蓴菜還思入
饌鮮悵望扁舟烟水上漸江明月向誰圓

劉使君池上亭分韻得天字

十載褰帷勝地偏習池春色似當年里中冠蓋高陽
侶席上風雲峴首天一去祇應陳迹在重來何意故
人憐知君畱醉非難事負郭今陳種秣田

集李長公南園用長字

江漢風流舊艸堂招尋況復丈人行孤村過雨柴桑
晚三逕乘春薜荔長自是主恩優岳牧猶堪吏跡
傍求羊古來黃髮如君少尊酒留連夜未央

李進士治具耽園用黃字時進士畢使事將謁
選天官

憶昔行春五驢驢名園長繫萬垂楊銅鞮更聽襄陽
樂綺席初分漢署香一任移尊浮大白曾從伏檻識
飛黃中宵客散江風起隱隱雙鳬入帝鄉

雪夜飲潘太守宅卽事用昏字

北風吹雪過荆門漠漠江天朔氣昏
正喜故鄉聞早
蓋相逢良夜盡清尊
鵲人轉覺春寒壯
歌客猶傳古
調存但使有年寬
杼柚不妨無謁任乾坤

棗陽郡邸牡丹盛開時郡王斷酒

梁園昨夜到花神
燦燦紅粧雨過新
拂檻輕盈寧自
媚當筵綽約故相親
忘形何意來中散
解語猶疑出太真
最是春風能醉客
不知誰是獨醒人

棗陽王學僊先期艾矣作詩調之

王孫無計駐紅顏
獨向淮南問大還
青鏡此時愁欲
絕丹梯何處杳難攀
但教天地容身老
已任風霜入

發斑君自不妨南面樂祗應雞犬在人間

端午宴園翁西堂

高陽山簡復相過不飲其如此日何澤畔千秋緣楚
俗天涯子夜競吳歌西林纖月當杯出南國雄風入
坐多倒載已拚歸酩酊浮生聊得慰蹉跎

入朝

舊籍遙從謁帝還新貂初入侍臣班九重負屨
聞天語六尺垂衣識聖顏玉樹晴光通上苑金莖
秋色帶西山何來苑馬陪僊仗報道單于款漢關

仲房赴戚將軍約頃自塞上還新安取道都門

賦此爲贈

少年俠氣喜談兵垂老猶堪塞上行何處射鵰誇羽
獵有時飲馬出長城關河地險中原斷刁斗天高太
白明見說降王重納款請纓無用一書生

其二

邊關乘興赴輕車興盡歸來意自如勞我折腰趨大
府因君掉臂能長裾黃金莫問涓人馬白鴈憑傳愛
弟書亦自倦游仍作客秋風高枕憶吾廬

乞歸不許寄仲淹仲嘉

曾將出處卜匡廬國難依然赴素車東省日高容伏

枕中山天遠到傳書抽簪未許辭金馬執紼還應哭
玉魚直待衣冠游 寢廟文園準擬乞相如

其二

徵書何意到山扉二仲相從問息機此日風波堪自
失當時歲月未知非斗邊夜色雙龍在塞上秋聲一
鴈歸閉戶莫教深雨雪塞闌倘識老萊衣

再疏乞休

自是風塵迸白頭更從閭闔乞滄洲人羣祗合依魚
鳥物色何妨應馬牛明月九霄堪照夜故鄉萬里正
悲秋關河昨日乘槎使依舊翩翩范蠡舟

其二

太行徑晏接長安轉見人間行路難
共惜黃金騏驎老那堪白日鷦鷯寒
君恩不爲三投杼吾道惟應再掛冠
縱是菟裘生事薄江湖滿地足漁竿

寄江民璞

莫謂巫咸信有神翻從憔悴失靈均
何當日月還明主謾向風塵憶故人
江上到君惟落木秋來爲客正思尊
歸時倘過長沙里握手羞看白髮新

寄豐干社諸子

吾道惟應老鷺冠臨岐猶自勸加餐
虛疑帝座星辰

急信道 君門雨露寬城闕清笳悲斷柳江臯雜佩
億壑蘭中人秋氣寒如此莫漫登高直北看

其二

更作燕歌逐酒人懷中七首未生塵狂來易側當時
目老去難容報 主身海日即看過大地宮雲何意
傍長春少年爲問殘生事白社清齋肯厭貧

送御史大夫少巖傅公之任南臺公起家留都
頃以入賀拜命

巖棲入夢動重瞳朝下迴車賜盡熊地卜神京周九
鼎星懸法座漢三公寢園王氣依江左故里陽春過

郢中自挾君家霖雨在飛龍早晚扈天風

九日贈仲房時將舉國喪大臨

漢宮秋氣正悲哉況復攀號動地哀君自憑陵工作
賦我緣蕭瑟罷登臺黃花霜露愁邊老白鴈關山望
裏迴料得茱萸諸弟在只今尊酒爲誰開

宿悼陵

江漢龍飛白水間雙珠忽自墮燕山三朝樹拱麒麟
塚五夜霜嚴虎豹關地下衾裯通御氣雲中劍珮
擁仙班延陵薨博千秋事緱嶺何須問大還

望永陵

襄城七聖去道遙
宰樹千章望寂寥
海內名山留漢
時樓中仙樂憶秦
簫白雲黃土天難
問絳節霓裳夜
自朝咫尺蓬萊人
不識試看真氣鬱
岩堯

山陵望月

七陵宮闕對崔嵬
落木空林四望開
鳥道過雲秋練
沒龍池抱月夜珠
來千門涕淚刀頭
盡萬國關山笛
裏哀倚杖迴看天
尺五啼鳥莫傍帝
城隈

其二

燕山近接漢宮秋
羣帝衣冠夜出遊
馳道風雲新駐
輦御巡烟霧舊垂
旒皚皚地下三千
甲隱隱天中十

二樓任道嚴關連鼓角只今魏尚在邊州

山陵贈劉督府

戎馬關河會面稀園林霜露對沾衣銅龍曉漏陪雙
入鐵騎秋風扈六飛白眼我原于世態黑頭君自耐
戎機塞門何處重回首萬里天南一鴈歸

沙河早行

馬頭片月掛長安雙照孤臣淚未乾五夜愁心鵲鵲
觀九秋衰鬢鷄鷄冠人家砧杵遙相望客路關山迴
自寒總爲三朝恩不淺非關老大拂衣難

諸將五首

蘭門保障自神州胡騎曾經塞州秋計口盡供閭比
賦拊髀誰釋禁中憂登壇有將傳雕羽橫海當年避
虎頭報道龍庭焚早晚漢家不吝冠軍侯

其二

雲中質子賜生還塞外愁胡盡破顏國馬連錢來大
宛天書咫尺下陰山降王列爵諸侯上開府論功三
事間賴有封章通絕域可無彝鼎備神姦

其三

白狼河北入邊聲九月遼陽鼓角鳴地絕尚煩司馬
檄天驕未解縵胡纓有時烏鳥棲戎幕不盡黃龍政

漢旌僅自背城堪一戰曾誰出塞許橫行

其四

名王稽顙玉關門忽爾游魂塞月昏秦地至今因廟
畧胡雛未敢負朝恩乘風欲逐西羌壯假道寧干上
國尊百二山河懸節鉞好將白首答乾坤

其五

紛紛南海羽書連野草蕭條磬室懸滿地揭竿從里
社頻年代鼓出樓船極知亂後王師老不假行間主
將權有客欲辭方朔戟無人爲贈繞朝鞭

薊門會閱

年來漢戍坐銷氛秋盡胡笳夜不聞節鉞九重馳
使者旌旗十道出將軍憑陵短景戈迴日睥睨寒空
陣作雲臺上黃金曾得士元戎恐是望諸君

其二

漢使褰帷按塞過漁陽老將近如何千山斥埃材官
急萬里亭鄣猛士多大漠風鳴蒼兕甲層冰夜渡白
狼河江東子弟先鋒在乘月仍聞子夜歌

其三

塞門風急馬蕭蕭報道沙場聚射鵬殺氣連營憑地
險軍聲一鼓破天驕合圍共覩爭先捷乘勝還看逐

北遙咫尺飛書門下省明朝詔賜侍中貂

其四

轅門萬騎韃弓刀開府親酬百戰勞堂上升歌傳狀
杜軍中行酒泛葡萄扶風地接長安近落月天迴太
白高自是君恩兼挾纊非關客禮徧投醪

湯泉

上都湯沐傍龍宮內苑溫泉徑自通雲近樓臺疑結
蜃氣蒸冰雪儼如虹靈源半落雙林外寒谷先迴六
管中冠蓋謾憐行後久風塵又向塞門東

僊舟洞

塞垣巖壑有藏舟晚飯招邀傍舵樓自信乘槎經絕
域虛疑擊楫渡中流黃雲瀚海兼天湧紫氣關門入
夜浮興盡不妨歸路黑陰山雪照鷓鴣裘

荅萬使君

海上孤城保障勞當時汗馬五陵豪流言不避新題
柱戰血猶存舊佩刀豈謂難容緣俗薄轉於不賞見
功高秋風莫謾驕鷹隼尺五天邊鳳一毛

其二

扶桑枝上逝傷弓易水書來問轉蓬使者官兼中執
法故人家在右扶風招邀正喜青門近投贈還勞白

雪工十載交情君自見只今意氣許誰同

銀山法華寺

五陵東望白雲端
冰壑松門歷化壇
別有人天經浩劫
高懸佛日照長安
林中雙樹龍宮隱
天外三峯鳥道盤
開士倘分香積飯
宰官擬掛惠文冠

臘八日寺中禮佛

八蜡年年開法臘
三天處處下慈雲
自憐舊業殘居士
誰遣名山到使君
禮罷上方空翠積
望迴西極蔚藍分
牛車大衆經行處
倘問無生許我聞

遊霧靈山是爲志公道場

精廬猶寄塞垣深，高坐應知出世心。
幾載人間無戰伐，千秋我輩有登臨。
雲峯下見青蓮界，霧樹中分紫竹林。
臺上至今聞說法，磬聲隱隱落松陰。

其二

誰從震旦歷須彌，自是同游客興奇。
澗道曾來經伏臘，山河大地見華夷。
到來倚杖天風急，歸去停車塞月遲。
舊社昔曾依惠遠，明珠儼許值摩尼。